



МЕСЯЦА ИЮНЯ В 24-Й ДЕНЬ

Рождество честнаго славнаго пророка,
Предтечи и Крестителя Иоанна

НА МАЛОЙ ВЕЧЕРНИ

На Господи, возвах: **стихиры на 4, глас 4.**

Подобен: **Званный свыше:**

Из неплодныя родился еси утробы, / разрешивый неплодие сердец наших / и благочадие* в вере же и истине, / душам неплодным слово даруя, / славный Предтече пришествия Христова. / Глас Слова благознаменитый, / покаяния прознаменатель велегласный, / ветхаго же и новаго Божественный ходатай, / яже познаваемъ, / егоже рождество любовью празднуем, веселящися.

Упитанный ныне воздержания телец / от неплодныя родися, / показуя нам от Девы Отроковицы Агнца рождена / и мира вземлющаго согрешения. / Горлица пустынелюбная яже возсия, / Божественную весну возвещающая, / имже преста безбожия зима лютая / и Жениха друг искренний / светло прииде Иоанн, / моля спастися душам нашим.

Иже по Божественному рождся обетованию, / егда пречудный и великий Архангел / в церкви родителю твоему молящуся / благовествова твоё рождение, / тогда не верующу и прекословящу священнику, / якоже пишет, / безгласие Гавриил

* благочадие — славное чадо, дитя

наведё и оглохновёние, да́же до рождества́./ Ты же, Предте́че, от отца́ ро́ждься,/ соу́з я́зыка свободи́л еси́, блаже́нне,/ и мо́лишися о всех нас.

Сла́ва, глас 8. Самогла́сен:

Подоба́ет Иоáнну благово́ние,/ подоба́ет Кре́стителю́ пе́сней красота́,/ сей бо пропове́да нача́ток на́шего спасе́ния,/ взыгра́выйся во чре́ве/ и вопи́я в пусты́ни: пока́йтесь,/ Царе́в во́ин, Предте́ча благода́ти,/ А́гнца провозвеща́я и Спа́са моля́ о душа́х на́ших.

И ны́не, Богородичен: Влады́чице, приими́:

На стихо́вне стихи́ры, глас 2.

Подобен: До́ме Евфра́фов:

Уясни́ твой я́зык/ све́тло, Заха́рие,/ проро́к отроча́ Бо́жий бу́дет, возопи́в,/ и Сло́ва Божество́ннаго/ Предте́ча.

Стих: Благосло́вен Госпо́дь, Бог Изра́илев,/ я́ко посети́ и сотвори́ избавле́ние лю́дем Свои́м.

Яви́лся еси́/ от ма́терних ложесн, Иоáнне,/ Богу́ освяще́н:/ не воста́ бо бо́лий в челове́цах,/ никто́же па́че тебе́ ни́гдеже.

Стих: И ты, отроча́,/ проро́к Вь́шняго нарече́шися.

Разреши́л еси́ о́тчее,/ преблаже́нне, безгла́сие:/ я́коже безча́дства ключи́/ разреши́л еси́ ро́ждшия,/ роди́вся от Божество́нных благода́ти.

Сла́ва, и ны́не, глас 8:

Ви́ждь Елисаветь, к Де́ве Мари́и глаго́лющу:/ что́ пришла́ еси́ ко мне, Ма́ти Го́спода моего́?/ Ты Ца́ря но́сиши, и аз во́ина./ Ты Законода́вца, и аз законоположи́теля./ Ты Сло́ва, и аз глас, пропове́дающ Ца́рство Небе́сное.

Тропа́рь зри на вели́цей вече́рни.

Сла́ва, и ны́не, Богородичен: Ё́же от ве́ка утае́ное:

НА ВЕЛИ́ЦЕЙ ВЕЧЕ́РНИ

По обы́чном псалме́ поём: Блаже́н муж: 1-й антифо́н. На Го́споди, воззва́х: стихи́ры на 8. Глас 4. Самогла́сны. Иоáнна мона́ха:

Разрешает Захариино молчание рождётся Иоанн, / ибо не подобаше отцу молчати, пришедшу гласу, / но, якоже не веровавшу первее / язык связа, / сиче явльшуся дати отцу свобождение. / Емуже и благовестися, / и родися глас Слова / и Света Предтеча, моля о душах наших.

Днесь глас Слова, / глас, за неверие держимый, разрешает отеч / и Церкви являет благочадие, / союзы неплодствия разрешая матери. / Светильник Света предгрядет, / заря Солнца правды возвещает пришествие / в создание всех и спасение душ наших.

Анатолія: Божию Словоу хотящу от Девы родитися, / Ангел от старческих чресл происходит, / великий в рожденных женами / и пророков превышший: / подобаше бо Божественных вещей преславным быти началом, / кроме возраста исчадие / и без семени зачатие. / Творяй чудеса во спасение наше, / слава Тебе.

Андрѣя Крѣтскаго: Явися днесь великий Предтеча, / от неплодных ложесн Елисавети произшед, / болии всех пророков пророк, / и ин несть, ниже воста: / яко Предтечи, светильнику, Свет последова пресветлый, / и гласу — Слово, / и невестоводцу — Жених, / готовящему Господеви люди изрядныя / и предочищающу при Дусе водою, / Захариино прозябение / и пустыни доброе воспитание, / покаяния проповедник, / очищение согрешений, / сущим во аде благовестуяй из мертвых востание / и моля о душах наших.

Пророк и Предтеча из утробы явился еси, / Христов Крестителю Иоанне, / играя и радуяся во чреве матери, / зря Царицу, пришедшу к рабе, / носящую Безлетнаго, от Отца без матери, / к тебе, от неплодных и старца по обетованию возсиявшему. / Того моли помилovati души наша.

О, преславнаго чудесе! / Иже слову Ангела не веровавый, глаголющу, / яко зачнет Елисаветь и родит сына, глаголя: / како тая родит, / зане аз заматерех / и оныя удеса умертвишася? / Осудивыйся молчати за неверие / днесь зрит раждаемо обещанное / и, молчания разрешься, / в веселие входит, / благословен, — вопия, — Господь, Бог Из-

раи́лев, / я́ко посети́ и сотвори́ избавле́ние лю́дем Сво́йм, / пода́й ми́рови ве́лию ми́лость.

Ио́анне прехва́льне, / и вселе́нский апо́столе, / Гаври́илово благовествова́ние, / и непло́дныя прозябе́ние, / и пусты́ни до́брое воспита́ние, / и и́скренний дру́же Жениха́ Христа́, / Того́ моли́ поми́ловатися душа́м на́шим.

Сла́ва, глас 6. Византи́ево:

Днесь Све́та свети́льник / предпу́тие творит прише́ствию Бо́жия Сло́ва, / я́ко звезда́ све́тлая, / днесь Заха́риин язы́к уясни́ся, / молча́ние держа́в, Ангелу́ повеле́вшу, / подоба́ше бо си́це отцу́ / глас немолча́нием хранити, произше́дш из утробы́ непло́дныя / и всего́ ми́ра избавле́ние благовествующ / со дерзнове́нием мно́гим.

И ны́не, глас то́йже:

Елисаветь зачат Предтечу́ благода́ти, / Де́ва же Го́спода сла́вы, / целова́стесь обе ма́тери, / и младе́нец възгра́ся, / внутрь бо раб хваля́ше Влады́ку. / Удививши́ся же, ма́ти Предтечева́ нача́т вопи́ти: / отку́ду мне се, да Ма́ти Го́спода моего́ при́иде ко мне? / Да спасе́т лю́ди отча́янные / Име́яй ве́лию ми́лость.

Вход. Прокі́мен дне.

Быти́я чтéние (гла́вы 17, 18, 21):

Рече́ Бог Авра́аму: / Са́ра, жена́ тво́я, не нарече́т-ся и́мя ей Са́ра, / но Са́рра бу́дет и́мя ей. / Благословлю́ же ю́, и дам тебе́ от нея́ ча́до, и благословлю́ е́, / и бу́дет во язы́ки, и ца́рие язы́к от него́ изы́дут. / И паде́ Авра́ам на лице́ свое́м, и рече́ в мы́сли свое́й: / а́ще столéтну роди́тся сын? / И Са́рра, де́вятдесят лет су́щи, роди́т? / Рече́ же Бог Авра́аму: / ей, се Са́рра, жена́ тво́я, роди́т тебе́ сы́на, и нарече́ши и́мя ему́ Иса́ак. / И положу́ завет Мой к нему́ в завет ве́чен. / Авра́ам же и Са́рра престаре́вшася во днех. / Возсме́я же ся Са́рра в себе́, глаго́лющи: / не у ми бысть да́же до ны́не, господи́н же мой стар. / И рече́ Господь Бог Авра́аму: / что́ я́ко возсме́яся Са́рра в себе́, глаго́лющи: / у́бо войсти́нну ли рожду́? / Аз же состаре́х-

ся./ Еда́ не возмо́жет от Бо́га всяк глаго́л?/ И Госпо́дь Бог посети́ Са́рру, я́коже глаго́ла./ И, заче́нши, роди́ Авра́аму сы́на в ста́рости, я́коже глаго́ла ему́ Госпо́дь Бог./ Обре́за же его́ в день осмы́й, я́коже запове́да ему́ Госпо́дь Бог./ И Авра́ам б́яше лет ста, егда́ бысть ему́ Иса́ак, сын его́./ Рече́ же Са́рра:/ смех ми сотвори́ Госпо́дь Бог./ И́же бо а́ще услы́шит, сра́дуется мне./ И рече́: кто́ возвестит́ Авра́аму, / я́ко сосца́ми пита́ет отроча́ Са́рра, / я́ко роди́х отроча́ в ста́рости мое́й?/ И возрасте́ отроча́, и преста́ сосца́ми пита́тися./ И сотвори́ Авра́ам учрежде́ние ве́лие, / во́ньже день отдо́йся Иса́ак, сын его́.

Суде́й чтéние (глава́ 13):

Во дни о́ны бысть муж от колéна Дáнова, / и и́мя ему́ Манóе, / и жена́ его́ непло́ды, и не ражда́ше./ И я́вися А́нгел Госпо́день к женé, и рече́ к ней:/ се ты непло́ды, и во чре́ве при́меши, и роди́ши сы́на./ И ны́не сохрани́ся, / не пей́ вина́ и сикéра и не яждь вся́ко нечи́сто./ Занé се ты во чре́ве при́меши и роди́ши сы́на, / и желе́зо не взы́дет на главу́ его́, / я́ко освяще́нно Бо́гу бу́дет отроча́ из чре́ва./ И при́де жена́, и рече́ му́жу своему́, глаго́лющи:/ я́ко челове́к Бо́жий при́де ко мне, / и видéние его́, я́ко видéние А́нгела Бо́жия свéтло зело́./ И рече́: се во чре́ве при́меши и роди́ши сы́на; / и ны́не не пей́ вина́ и сикéра и не яждь вся́ко нечи́сто, / я́ко освяще́нно Бо́гу бу́дет отроча́ из чре́ва да́же до дне сме́рти его́./ И помолы́ся Манóе Бо́гу, и рече́:/ ко мне, Го́споди, челове́к Бо́жий, его́же посла́л еси́ к нам, / да при́дет у́бо и просветит́ нас, что́ сотвори́м отроча́ти ражда́ющемуся?/ При́де же А́нгел к Манóю и рече́:/ от всех, ихже реко́х женé твоéй, да сохрани́тся, / ели́ка исхо́дят от виногра́да, да не яст и вина́ и сикéра да не пиéт./ И рече́ Манóе ко А́нгелу Госпо́дню:/ что́ и́мя твоé?/ Да егда́ при́дет глаго́л твой, просла́вим тя./ И рече́ ему́ А́нгел Госпо́день:/ вску́ю ты вопроша́еши и́мене моего́?/ И то есть́ чу́дно./ И не приложи́ ктому́ А́нгел Госпо́день я́витися к Манóю и женé его́.

Пророчества Исаиина чтение
(главы 40, 41, 45, 48 и 54):

Тако глаголет Господь: / утешайте, утешайте люди Моя. / Глаголет Бог: / священницы, глаголите в сердца Иерусалиму, / умолите его, яко умножися смирение его. / Разрешися бо грех его, / яко прият из руки Господни сугуба согрешения своя. / Глас вопиющего в пустыни: / уготовайте путь Господень, / правы творите стези Богу нашему. / На гору высоко взыди, благовестуй Сиону, / возвышай крепостию глас свой, / благовествуя Иерусалиму. / Вознесите, не бойтесь: / Аз Господь Бог, Аз услышу убогих Израилев и не оставлю тех. / Но отверзу от гор реки и посреде поля источники, / сотворю пустыню в луг и жаждущую землю во источники водныя. / Да возвеселится небо свыше, и облацы да кропят правду, / да возсияет земля, и да прозябнет милость, / и правда да возсияет вкупе. / Глас веселия возвестите, и услышано да будет, / возвестите даже до конец земли. / Глаголите, яко избави Господь раба Своего Иакова / и, аще вжаждут в пустыни, источит им воду из камене. / Возвеселися, неплоды нераждающая, / расторгни и возопий, неболевшая, / яко многа чада пустыя паче, нежели имущия мужа.

На литии стихирь самогласны, глас 1:

Искапайте, горы, сладость, / и холми, яко агнцы, выиграйте, / яко родися от Елисавети / хотяй с нами водворитися Господень Предтеча, / разрешивый в рождестве отчее безгласие. / Тем и мы вопием ему: / Крестителю Христов, моли спастися душам нашим.

Богознаменитый глас, Света светильник, / Господень Предтеча, / Христом свидетельствованный, / первый во пророцех, о мире молитву творяй, / изрядно стадо твое поминай, спасти невредимо.

Проповедник был еси Агнца Божия и Слова, / Иоанне пророче и Предтече, / прорицаеши будущая и предглаголеши концем: / се Агнец Божий, вземляй мира грехи / и подай всем велию милость.

Слава, глас 5. Андрѣя Крѣтскаго:

Пророков предѣл и начало апостолов, / земнаго Ангела и Небеснаго человека, / глас Слова, воина и Предтечу Христова, / от обещания предвзыгравшая / и проповедавшая прежде рождества Солнца правды, / днесь Елисаветъ раждает, и радуется, / и чудится Захарія в старости, / молчание, аки узу обложенну, отложив, / и яко родитель гласа пророчествует явленнейше: / ты бо, отроча, пророк Вышняго наречешия / и предъидеши пути готовити Ему. / Темже, Ангеле, пророче, апостоле, / воине, Предтече, / Крестителю, и проповедниче покаяния, и наставниче, / яко глас света, Слова, / непрестанно молися о нас, / верую творящих твою память.

И ныне, глас тойже: Храм и дверь еси:

На стиховне стихиры самогласны, глас 2:

Иже от пророка пророка / и неплодныя прозябение, / в рожденных женами превышша всех, / пустыннаго гражданина, Иоанна славнаго / псалмы и пеньми и песньми духовными восхвалим, / вопиюще к нему: / Крестителю Спасов и Предтече, / яко имея дерзновение, / в честном твоём рождестве / умоли Христа даровати мир миру / и душам нашим велию милость.

Стих: Благословен Господь, Бог Израилев, / яко посетити и сотвори избавление людем Своим.

Прииде глас благодати Слова, / Солнца проповедник, / родивыйся днесь от неплодове безчадныя, / от обетования Иоанн Предтеча. / Людие, радуйтеся: / прииде уготовати путь нам спасения, / Емуже и, выграв, поклонися, / во чреве сущу Матерни, / Агнцу, вземлющему грехи мира / и подающему нам велию милость.

Стих: И ты, отроча, / пророк Вышняго наречешия.

Иже из чрева матерня освящся / и пророчества прием исполнение, / днесь от неплодныя раждается, / Господне пришествие проповедавая ясно: / покайтесь, приближися бо Царство Небесное.

Слава, глас 8. Кассии монахини:

Исаии ныне пророка глас / днесъ в большаго от пророк рождени Иоанна исполнися: / се бо,— рече,— послю Ангела Моего пред лицем Твоим, / иже уготовит путь Твой пред Тобою. / Сей убо, Небеснаго Царя воин, предтек, / яко воистинну правы творяше стези Богу нашему, / человек убо естеством, Ангел же житием сый, / чистоту бо конечно и целомудрие целовав, / имяше убо по естеству, / бежа же яже чрез естество, / паче естества подвизався. / Тому, вси вернии, добродетельми подобящися, / моли о нас молимся, / во еже спасти души наша.

И ныне, глас тойже:

Вижь Елисаветъ к Деве Марии глаголющу: / что пришла еси ко мне, Мати Господа моего? / Ты Царя носиши, и аз воина. / Ты Законодавца, и аз законоположителя. / Ты Слова, и аз глас, / проповедающ Царство Небесное.

На благословении хлебов тропарь, глас 4, дважды, и Богородице Деве: единожды.

Тропарь, глас 4:

Пророче и Предтече пришествия Христова, / достойно восхвалити тя недоумеем мы, любви чтущи тя: / неплодство бо рождшия и отчее безгласие разрешися / славным и честным твоим рождеством, / и воплощение Сына Божия миру проповедуется.

НА УТРЕНИ

На Бог Господь: тропарь Предтечи, дважды. Слава, и ныне: Еже от века утаеное:

По 1-й кафизме седален, глас 4.

Подобен: Удивися Иосиф:

Ныне прозябе нам Захариин плод и веселит разумно мысли верных, / пустынное украшение и пророков степень, / темже Христов явися Предтеча и свидетель неложен пришествия Его. / Духов-

ными ўбо пёсньми согласно Крестителю возопи-
ём: / пророче и проповедниче истины, моли спа-
стися нам.

Слава, и ныне, Богородичен:

Удивися Иосиф, еже паче естества зря и вни-
маше мыслию, / иже на руно дождь, в безсемен-
ном зачатии Твоём, Богородице, / купину, огнём
неопалимую, жезл Ааронов прозябший, / и, свиде-
тельствуя, обручник Твой и хранитель священни-
ком взываше: / Дева раждает и по Рождестве паки
Девую пребывает.

По 2-й кафизме, седален, глас 8.

Подобен: Премудрости:

Христова пришествия начаток, преславно ро-
дился еси, / яко воистинну, Иоанне всехвальне,
пророков главизна, / и, яко глас Слова сый, взывал
еси: / покайтесь, приблизися Царство Небесное. /
Темже, уготовавый путь Господень, благодати
Предтеча явился еси концем. / Крестителю и
апостоле, моли Христа Бога прегрешений оставле-
ние даровати / празднующим любовию святую
память твою.

Слава, и ныне, Богородичен:

Пресвятая Дево, Мати Христова, души моей
страсти лютыя исцели, молюся, / и прощение
даруй моим прегрешениям, ихже безумне содеях, /
душу и тело осквернив, окаянный. / Увы мне, что
сотворю в час он, / внемда Ангели душу мою
разлучат от страстного моего телесе? / Тогда
Помощница ми буди и Предстательница теплей-
шая, Ты бо имам надежду, раб Твой.

По полиелеи седален, глас 8.

Подобен: Повеленное:

Да радуется отец, матери, возвеселися, / яко проро-
ка на земли родила еси днесь, Богозванного
Предтечу от обещания. / Неплоды младенца пита-
ет Крестителя, и радуется Захария, рожденному
глаголя: / разрешися язык мой твоим пришествием
на землю, светильниче великаго Света. / Воистин-
ну чудо преславно!

Слава, и ныне, Богородичен:

Благодарим Тя присно, Богородице, и величаем, Чистая, и поклоняемся, / воспевающе Рождество Твое, Благодатная, вопиюще непрестанно: / спаси нас, Дево Всемилостивая, яко Благая, / и демонов исхити словоположения страшнаго в час испытания, / да не посрамымся, раби Твой.

Таже степенна, 1-й антифон, 4-го гласа. Прокимен, глас 4: И ты, отроча, / пророк Вѣшняго наречешися. Стих: Благословен Господь Бог Израилев, яко посети и сотвори избавление людем Своим. Всякое дыханіе: Евангелие от Луки, зачало 3: Зачат Елисаветь, жена Захаріина: Конец: до дне явленія своего ко Израилю. По 50-м псалмѣ стихира, глас 2: Из чрева матерня освящяся: писана на стиховне.

Канона два: первый, творение Иоанна монаха, со ирмосом на 8, глас 4.

Песнь 1

Ирмос: Трестаты крепкия, / Рождѣйся от Дѣвы, / безстрастия во глубинѣ / души тричастное потопи, молюся, / да Тебѣ, яко в тимпанѣ, / во умерщвлении телесѣ / побѣдное воспою пѣние.

Яко утро благолепно, Сѣлнца предтекии, / неплодных прозябение проповѣдает яве Дѣвы Рождество, / всей ныне вселенней сияет концем просвѣщение благочестия и благодати.

Пророк Вѣшняго истинно наречешися, / предъидеши бо пред лицем Христа, — вопиет тебе, сыну, Иоанне прехвальне, / Духом Захарія Пресвятым носим, — путь уготовати Зиждителю.

Глаголы Гавриила Захарія слышав, вещания Божественнаго, явися непокорив, / и молчаніем осуждается, решится же внезапно от сего: / глас бо родися Слова, Иоанн Предтеча.

Богородичен: Град Божий, Всецаря Богоприятное селение, сокровище честное, / Богородице Пренепорочная, сохрани достойные Твое, / присно восхваляющее Тя и чтущее верою Рождество Твое.

Другий канон, творение Андреево, на 6, глас тойже.

Песнь 1

Ирмос: *Наставльшему древле Израїля, / бежащаго от работы фараоновы, / и в пустыни питавшему, / поим Избавителю, Богу нашему, / яко прославися.*

Молчание старчо законнаго писания образ носит таин. / Ибо, пришедши благодати, Моисей умолча: / подобаше бо, премудрости сокровищу явльшуся, всем молчати.

В церкви кадящу священнику, Ангел предста свѣше, вопия: / странна рождества благовестие, приидох, тебенося, старче: / примешь бо от неплодове рождения плод, Крестителя Христова.

Что удивился еси, старче? / Что, не веруя, стоиши, глаголющему тебе сия? / Ангел бо есть вещаяй, аще и образ носит человек. / Будь нем убо на время, даже до рождества Слова гласа.

Иже молчание Захариино, молчания положив образ закону написанному / и тем показав ми покаяния проповедника зовуща, / гласа вопиющаго подавает, неплодствующей сына.

О, преславных вещей Христова Предтечи! / Иже, прежде пленен познав пленницы наша Разрешшаго и народы Освяща, / днесь, от Елисавети родився, разрешает отцу глас.

Богородичен: Тя, Божие вместилище и мысленную лествицу, еюже сниде Бог / и, вообразя, наше убо существо на Небеса возведе, / вси яко спасению Ходатаицу восхваляем.

Катавасия: *Отверзу уста моя:*

Песнь 3

Ирмос: *Не мудростию, и силою, и богатством хвалимся, / но Тобою, Отчею Ипостасною Мудростию, Христе: / несть бо свят, паче Тебе, Человеклюбче.*

Владычне убо от Девы совершается рождение, / но раба любезна от старицы и неплодныя матери: / в лепоту предтичет убо чудо чудесий.

Старица и неплоды Деву Матерь лобзает, познавши неложно Сея Рождество, / яко разрешися союз неплодства Божественным хотением.

Богорóдичен: Неискусобрачно Бóга воплощён-
на рóждши, / страстéй прилóги обуреваемаго мя
утверди́: / несть бо, Пречы́стая, разве Тебé помóщ-
ницы.

Ин

Ирмо́с: Утвержда́яй гром и созида́яй дух, / утвер-
ди́ мене́, Го́споди, / да Тя пою́ и́стинно / и творю́
волю́ Твою́, / я́ко несть свят, я́ко Ты, Бо́же наш.

Елисаветь, прэжде непло́ды сýщи, Христé, Цér-
ковь Твою́ прообража́ше, я́же от язы́к, / и, рóждши
пресла́вно, па́ки показу́ет многоча́дну / непло́ды
я́вльшуюся иногда́.

Пути́ у́бо исправль Господни, стезю́ проугото́-
вав, / пока́ния же пло́ды показáл еси́ челове́ком и
жизненному научи́л еси́ пути́, / проро́че и пропо-
ведниче Христов.

Елисаветь, днесь игра́ючи, но́сит тя, Предте́че, /
на объ́ятиях состаре́вшихся и вопиét, хва́лящи-
ся: / несть свят, я́коже Ты, Го́споди Бо́же наш.

Богорóдичен: Праотцев разреши́ла еси́ печаль,
радо́сть нам рóждшая, Животода́вца и Изба́вите-
ля, / Егóже, Пречы́стая Богорóдице, приле́жно
моли́ спасты́ся ста́ду Твоему́.

Седáлен, глас 8.

Подóбен: Повелénное:

Заха́риин глас свéтло разреши́ Словесé глас
рóждься, Предте́ча, / и зако́на непло́дие всем
показа́, зовы́й: / пока́йтесь, сýщии на земли́, се бо
прииде и я́вися Иисýс, / вся хотя́ изба́вити от
пéрвыя кля́твы, просвеща́я Крещéнием. / Войстин-
ну чýдо пресла́вно!

Сла́ва, глас 4.

Подóбен: Удивися:

Я́коже со́лнце свéтло, из чрэва Елисавети воз-
сия́ нам Заха́риин сын, / и óтчее разреши́ безгла́-
сие, / и всем лю́дем в дерзнове́нии мно́зе, испра́ви-
те,— вопия́,— путь Господень, / я́бо Той свободи́т и
спасёт к Нему́ притека́ющия. / Егóже проповéдал
еси́, Иоáнне, моли́ спасты́ся душа́м на́шим.

И ны́не, Богорóдичен:

Обнови́ла еси́, Чы́стая, Божéственным Рожде-
ствóм Твои́м / истлéвшее во страстéх земнорóдных

мёртвенное существо / и воздвигла еси вся от смерти к животу нетления. / Тёмже Тя по долгу блажим вси, Дево Препрославленная, якоже про рекла еси.

Песнь 4

Ирмос: *Седяй в славе на Престоле Божества / во облаце легце, / прииде Иисус Пребожественный / Нетленною Дланию и спасе зовущия: / слава, Христе, силе Твоей.*

Таин неизреченных предходит таинство / новосечением законоположения естественнаго, / болезни разрешение провозвещаючи, исправление сея, Христе, и обожение.

Исаия от Отца Сыну пророчествова, воплотится хотящему: / Ангела земнородна равноангельна се аз посылаю пред лицем Твоим, зовуща: / слава, Христе, силе Твоей.

Служити, яко раб Владыце, роди́хся: / на се бо приидох, Сего возвестити пришествие, / яко да Девы Рождество предувérit, преславно неплодствующая старица прозябши.

Богородичен: *Святая Богородица, в Нюже вселится благоизволи, / яко во благовонен дом, Слово Отчее Пребожественное, / не растлеса утробою, ни поболé, / ибо роди́ Еммануила, Бога и Человека.*

Ин

Ирмос: *Услышах славное смотрение Твое, Христе Боже, / яко роди́лся еси от Девы, / да от лести избавиши зовущия: / слава силе Твоей, Господи.*

Покаяние отвёрзеса твоим рождеством, Предтече и проповедниче. / Ты бо еди́н проповедал еси, взывая: / пока́йтесь, Царство Небесное прибли́жися.

Девство утверждаётся и целомудрие торжествует, / пустыня веселится и мир празднует рождеством твоим, Предтече.

Елисавет радуется, и Захария вещает паки: / оба убо обновляются по старости Иоанновым абие гласом и просвещаются.

Богородичен: *Неопалимую купину Ты законоположник зряще древле, / Даниил же гору святую смотряще, еди́на Мати Дево, Владычице.*

Песнь 5

Ирмос: *Нѣне востану, пророчески рече Бог, / нѣне прославлюся, нѣне вознесуся, / падшаго приѣм от Дѣвы / и к свѣту умному возносяй Моего Божества.*

Земля израсти всеистинна проповѣдника, / гласа, всем проповѣдающа языком Духа, Дѣвы Сына, / Правду, с Небесѣ на нас приничущую вещью телѣсною.

Положи Господь всеистинна свѣтѣльника тя Христова, вся просвѣщающаго, / едины одевающа враждующия Ему, яко ризою, в студ, / неложно Божия Слова Сына проповѣдающа.

Веселится вся тварь твоим рождеством, Божественне: / ты бо зѣмлен Ангел, Предтече, и Небесный человек показался еси, / Небеснаго Бога провозвещаая нам воплощенна.

Богородичен: *От Тебе раждается от Отца Сый, / с Тобою присно, Слово присносущное и нераздельное, яко Сын Единородный, / и напоследок от Дѣвы Тойже от Святаго воплощается Духа.*

Ин

Ирмос: *Возсияй ми, Господи, свет повелений Твоих, / яко к Тебѣ дух мой утренюет и поет Тя: / Ты бо еси Бог наш, / и к Тебѣ прибегаю, Царю мира.*

Звездѣ проуготовал еси, Правды Солнце, / Крестителя Твоего Иоанна, / от обещания рождѣннаго днесь и рождшаго разрешша глас.

Не вещай, не сопротив глаголи, старче освященне, / Гавриил бо глаголет ти, первый во Архангелех, / Божия таинства и еже к нам Того снѣтие сказую.

Старче, не неверуй, Бог бо обещаает, / яко в старости родиши сына, егже о рождествѣ мнози возрадуются, / той бо придет силою Илиноу.

Пророче, проповѣднице, Предтече, еже от неплоды прозябѣние, / возвестителю покаяния, пустынное овча, Света свѣтѣльниче, / о всех моли, чтущих тя верно.

Богородичен: Яко дверь непроходиму, и купину неопалиму, / и несекому гору, от неяже камень усечеса, / Иже из Тебе воплощаемый, воспеваем, Владычице, Мати всех Творца.

Песнь 6

Ирмос: Приидох во глубины морския, / и потопила мя есть буря многих грехов, / но, яко Бог, из глубины возведи живот мой, Многомилостиве.

Бога Слова познал еси, яко пророк, в матерней утробе, / и, сея языка употребив, богословиши в темне чертозе, / обожаемъ Светом Неприступным.

Немолчно, яко глас вопиющего, Избавителя мира, Крестителю, моля не престаи / душевное разрешити неплодие поющих твоё рождество.

Богородичен: Неприступнаго Божества селение, Чистая, Твоя утроба явися, о Богородице, / на юже без боязни Небеснии чинове взирати не могут.

Ин

Ирмос: Буря мя помышлений, постигши, / во глубину низвлечит мя безмерных грехов, / но Ты, Управителю Благий, / предварив, управи, / яко пророка, и спаси мя.

Днесь пустынный гражданин Иоанн раждается, / покаяния проповедник и благодати свидетель истинен, / Предтеча Слова и Свету предсияющая звезда.

Днесь секира, исковавшись, посечение предлагает душам неплодия, / и насаждает плоды добродетельныя, / предыдет твердо в рождестве твоём, Предтече.

Возрадовася Иордан преславно и играет, научаяся, / Иоанна слыша, от неплодна рождена чрева, / море же ликует водными игрании.

Светильник, Света пришествие предтек, / проповеда Агнца Божия, Спаса, / свет возсиявшего земли, естества же всего духовне преджрена.

Богородичен: Бездну милости рождающая, / страстей моих бездну пучиною щедрот Твоих потопивши, / тучу от души подаждь ми слез, Богородительнице Всенепорочная.

Конда́к, глас 3.**Подобен:** Де́ва днесь:

Прежде непло́ды днесь Христо́ва Предте́чу ражда́ет, / и той есть исполне́ние всякаго проро́чества: / Егóже бо проро́цы пропове́даша, / на Сего́ во Иорда́не ру́ку положи́в, / яви́ся Бо́жия Сло́ва проро́к, пропове́дник, вку́пе и Предте́ча.

И́кос:

Восхва́лим ны́не Господня́ Предте́чу, / егóже священнику́ Елисаветь роди́ из ложесн непло́дных, но не без семене: / Христо́с бо еди́н вмести́лище про́йде непроходи́мо без семене. / Иоа́нна непло́ды роди́, без му́жа же сего́ не роди́, / Иису́са же, осене́нием Отца́ и Ду́ха Бо́жия, Де́ва роди́ Чи́стая. / Но Безсе́менному яви́ся от непло́дных проро́к и пропове́дник, вку́пе и Предте́ча.

Песнь 7

Ирмо́с: Ю́ноши три в Вавило́не, / веление́ мучи́телево на буйство́ прело́жше, / посреде́ пла́мене вопи́яху: / благослове́н еси́, Го́споди, / Бо́же оте́ц на́ших.

Бяше пёрвее во мра́це всяко земноро́дных естество́, о Предте́че, / но утро, вопи́я, яви́лся еси́: / благослове́н еси́, Го́споди, Бо́же оте́ц на́ших.

Недуговавшее исцели́ естество́ все, сла́вное от непло́дных твоё рождество́, / научи́вшее, Предте́че, пе́ти: / благослове́н еси́, Го́споди, Бо́же оте́ц на́ших.

Роди́лся еси́, Предте́че, от непло́дных, / при́йде бо всеи́стинно, зако́ну непло́дствующу, благода́ть, Христу́ пою́щи: / благослове́н еси́, Го́споди, Бо́же оте́ц на́ших.

Богоро́дичен: Де́во Благослове́нная, моли́ о нас, моля́щих Тя, / на Тя бо упова́ем вси и Тебе́ вопие́м: / Влады́чице, не презри рабо́в Твои́х.

Ин

Ирмо́с: В пе́щи авраа́мстии о́троцы перси́дстей, / любо́вию благоче́стия па́че, / неже́ли пла́менем, опаля́еми, взыва́ху: / благослове́н еси́ в хра́ме сла́вы Твоея́, Го́споди.

Захáрия, умолчáв на время, возвестí молчáние писáнием / и, пáки провещáв, рождеством твоим, Предтэче, / Дúха благодáть возвещáет преслáвно.

Цéрки подóбится неплоды безчáдная, Елиса-вётъ всечестнáя, / яже пёрвее úбо сýщи трéбами и сквáрами очернёна, / ныне же хвáлящися и добрóтою и рождéнием.

Предтэчи рождеством острíтся днесь секíра духовнáя, / ёуже вся посекаýтся страстéй взыгрáния, / тáйно же процветáют плоды покаяннiя.

Яко вётхаго и нóваго ходáтая ты, Предтэче, / и стезí исправляюща Христóвы, / очищáющаго согрешéний гумно́ духовною лопáтою, почитáем, Иоáнне.

Иже пред Сóлнцем тéкшаго, Христóм Бóгом нáшим, Иоáнна слáвнаго, / я́ко звезду́, Предтэчу и покаяннiя проповедника воспоём вси, от непло́дныя прошéдшаго.

Богорóдичен: Во чрэво Твоё, Дéво, безсéменно всельшася, / и рóждшася за неизречённое и конéчное смирэние, и нас ради Обнищáвшаго / о всех молíти не престáй, Богорóдице.

Песнь 8

Ирмос: *Избáвителю всех Всесíльне, / посреде́ пламене́ благочествовавшия, / снизше́д, оросíл есí / и научíл есí пéти: / вся дела́, благословíte, пойте́ Гóспода.*

Законополо́жник раб б́яше Моисéй, Иисýс же — Бог Заветá Нóваго, / ныне же обо́их Предтэча поёт, я́ко ходáтай: / вся дела́, благословíte Гóсподня Гóспода.

От пúста чрэва гóрлица при́де, я́ко богосажде́нная дубра́ва, / ныне принесé Цéрки Предтэчу Христóва и воспевáет: / вся дела́, благословíte Гóсподня Гóспода.

Богонóснии лю́дие, язýк свят, гóрлице Христóвей уподóбитесь / и медотóчно воспóйте, в целомúдрии живúще: / вся дела́, благословíte Гóсподня Гóспода.

Трóичен: Тричíсленным свéтом озаря́еми, Несозда́нное Едíное Божество́, / немóлчными усты́

православно вопиюще, почтим: / вся дела, благословите Господня Господа.

Ин

Ирмос: *Всяческая, Владыко, премудростию Твоею составил еси, / земли же паки утвердил еси, якоже веси, дно, / основанием водрузивый на водах безмерных. / Тем вси вопием, воспевающе: / благословите, дела Господня, непрестанно Господа.*

Познал еси, Предтече, Емуже поклонился еси прежде рождества / и прежде пелен твоих, Христа Жизнодавца, / и разыграными показал еси Сего, Господа Твоего нарек, / взайм взем матерний язык к пению Христа, Бога нашего.

Концы днесь вселенстии предпразднуют, / радуются Ангели и души праведных, / живущии веселятся, умершии же паки, Иоанну рождшуся, / приемше им проповедь всех Спаса Господа.

Подобяся днесь Иоанну, Иордан мокрыми быстринами играше преславно, / слыша раждаема равноангельнаго житием от старицы неплодны, / исправляющаго пути и стези Господни и мир крестившаго.

Начертá днесь Захария на дще / имя богонареченное пророка и Предтечи, молча же воззва: / Иоанн да наречется рождейся мне на старость. / Подобно есть от обещания рождшемуся странное звание.

Богородичен: Крепко утешение и непостыдну надежду, / стену необориму и Божественно предстательство людие Твой имут Тя, / иже Тя славят, Дево, и, спасаеми, зовут прилежно: / благословите, вся дела Господня, непрестанно Господа.

Песнь 9

Ирмос: *Сокровенное Божие неизреченное / в Тебе совершается явственное таинство, / Дево Пречистая, / ибо Бог из Тебе воплотился за милосердие. / Темже Тя яко Богородицу величаем.*

Се глас Предтечи неплодным и пустым предстаткам вопиющ: / путь Христов ныне уготовите, яко во славе грядет, / Емуже повинующеся, величаем.

Якоже дрéвле Духом Пресвятым я́ве проповéдал еси́/ Сы́на, Предте́че, А́гнца Бо́жия, ми́ра вземлюща́го грехи́,/ ста́ду твоёму́ согрешéний разреше́ние испроси́.

Трѳичен: Е́диницу Тричи́сленную, Трѳицу Единосу́щную,/ правосла́вно пою́ще, ве́рнии, просла́вим,/ богоде́тельне нас озаря́ющую/ и светлосты́ми незаходи́мага све́та исполня́ющую ду́ши на́ша.

Богоро́дичен: Все́ми влады́чествующая творéнии, лю́дем Твои́м да́руй побéду одоле́ния,/ непокоры́ваго подложы́ под но́зе во́инству:/ да Тя я́ко Богоро́дицу велича́ем.

Ин

Ирмо́с: Я́ко сотвори́ Мне вели́чия Сильный́,/ и свя́то Имя́ Его́,/ и ми́лость Его́/ в род и род боя́щимся Его́.

В тебе́ вели́кое се и пресла́вное Бог сотвори́ зна́мение, священни́че:/ по ста́рости бо сы́на и по умерщвлéнии удо́в ражда́еши Предте́чу.

Да слы́шат непло́ды и да воспою́т Бо́га,/ се бо Елиса́веть вопиéт:/ по ста́рости сы́на и по умерщвлéнии удо́в ражда́ю Предте́чу.

Весели́ся, Заха́рие, и ра́дуйся ны́не о Бо́зе:/ се бо Елиса́веть сосцы́ пита́ет по ста́рости сы́на/ и по умерщвлéнии удо́в ражда́ет Предте́чу.

Сла́ва Да́вшему непло́дней по ста́рости пло́д, ста́рцу и проро́ку сы́на,/ гото́вяща Ему́ лю́ди соверше́нны,/ Божéственнаго Предте́чу.

Богоро́дичен: **В** Тя всели́вся, И́же в недрах сый О́тческих роди́ся без стра́сти и тли/ и приведе́ нас за милосе́рдие О́тцу́ и Божéственному Духу́.

Свети́лен.

Подобен: Же́ны, услы́шите:

Предте́чево днесь радостотво́рное ро́ждение/ се́тование реши́т о́тча безгла́сия и ро́ждшия непло́дство,/ возвещáет же настоя́щую ра́дость и весéлие./ Те́мже и вся тварь́ све́тло то́е пра́зднует.

Богоро́дичен. Подобен:

Проро́цы проповéдаша, апо́столи научи́ша/ и мучени́цы богому́дренно Твоего́ Сы́на, Богоро́ди-

це, ясно исповѣдаша, Бóга всех, Пречíстая. / С нíми же Тя велича́ем, Тобо́ю избáвльшеся дрéвняго осуждénия.

На хвалíteх стихíры на 4, глас 8.

Подóбен: О, преслáвнаго чудесé:

О, преслáвнаго чудесé! / Из престарéлыя мáтере / Бóжия Сло́ва провозвѣстник, / Иоáнн днесь прои́зйти тщíтся, / св́язанный я́зык яснѣйше рожде́ством глаго́лати явля́ет. / О, неизглаго́ланнаго Твоего́ смотре́ния, Влады́ко! / Ёмже, Христé, / спаси́ дýши нáша, / я́ко е́дин Милосéрд.

О, преслáвнаго чудесé! / В рождéнных жена́ми / проро́к же превы́шший / мáтерняго непло́дства разрешáет осуждénие, / ёже дýхом и сíлою прише́д Илиино́ю / путь Господень испрáвити. / О, неизглаго́ланнаго Твоего́ благоутрóбия, Влады́ко! / Ёмже, Христé, спаси́, дýши нáша, / я́ко е́дин Милосéрд.

О, преслáвнаго чудесé! / Проповѣда́вый Христóво к челове́ком исто́цание / превы́ше показу́ет всех Того́ гла́сом / и ро́ждшия разрешáет непло́дие / сíлою Божéственною / и Заха́риин я́зык. / О, вели́ких Твои́х чудес, Влады́ко! / Ёмже, Христé, / спаси́ чту́щия Твоего́ вели́каго Предте́чу.

О, преслáвнаго чудесé! / В рождéнных жена́ми / проро́к и Предте́ча превы́ше явля́ется, / проро́ков же превы́шший / и прише́ствия Христóва предвозвѣстник, / предвыгравый во утрóбе мáтерни. / О, зело́ вели́ких Твои́х дарова́ний, Человеколю́бче! / Ёмже, Христé, спаси́ дýши нáша, / я́ко Всесíлен.

Сла́ва, глас 6. Анато́лиево:

Звезда́ звезд, Предте́ча / от непло́дных утрóбы на земл́и ражда́ется днесь, / Иоáнн Боговожде́ленный, / и Христóву явля́ет зарю́, востокъ свы́ше, / в пра́вое ве́рных прехождéние.

И ны́не: Богороди́це, Ты еси́ лоза́:

Славосло́вие вели́кое. И отпу́ст.

НА ЛИТУРГÍИ

Блаже́нны Предте́чи пѣрваго канóна, пѣснь 3-я, на 4, и втора́го, пѣснь 6-я, на 4. По вхо́де тропáрь хра́ма Христóва

и Богородицы, аще есть, таже тропарь Предтечи. Посем кондак храма Христова. Слава, Предтечи. И ныне, храма Богородицы. Аще несть храма Богородицы, И ныне, кондак храма Христова. Аще несть храма Христова, глаголем тропарь прежде Предтечи. Слава, кондак его. И ныне, Предстательство христиан: Прокимен, Апостол и Евангелие чтем Предтечи един, такожде и причастен. Прокимен, глас 7: Возвеселится праведник о Господе: Стих: Услыши, Боже, глас мой: Апостол к Римляном, зачало 112. Аллилуия, глас 1: Благословен Господь, Бог Израилев: Стих: И ты, отроча, пророк Вышняго наречешися. Евангелие от Луки, зачало 1: Понеже убо мнози начаша чинити: Конец в зачале 4: До дне явления своего ко Израилю. Причастен: В память вечную: Ряд же, Апостол и Евангелие вычитаем наперед. Подобает ведати, яко аще случится праздник Иоанна Предтечи в неделю, предваряются вся воскресная.

Молитва

Крестителю Христов, проповедниче покаяния, кающагося не презри мене, но, совокупляясь с вои Небесными, молись ко Владыце за мене, недостойнаго, унылаго, немощнаго и печальнаго, во многия беды впавшаго, утружденнаго бурными помыслы ума моего. Аз бо есмь вертеп злых дел, отнюд не имеяй конца греховному обычаю: пригвожден бо есть ум мой земным вещем. Что сотворю, не вем, и к кому прибегну, да спасена будет душа моя, токмо к тебе, святый Иоанне, благодати тезоимените, яко ты пред Господем, по Богородице, вем больша быти рожденных всех: ты бо сподобился еси коснуться верху Царя Христа, вземлющаго грехи мира, Агнца Божия. Егоже моли за грешную мою душу, да поне отныне, в первыйнадесять час, понесу тяготу благу и приму мзду с последними. Ей, Крестителю Христов, честный Предтече, крайний пророче, первый во благодати мучениче, постников и пустынников наставниче, чистоты учителю и ближний друже Христов, тя молю, к тебе прибегаю, не отрини мене от твоего заступления, но возстави мя, падшагося многими грехи: обновй душу мою покаянием, яко вторым крещением, понеже обоего начальник еси: крещением омываяй грех, покаяние же проповедуяй во очищение когждо дел скверных: очисти убо мя,

грехми осквернённаго и понуди внѣти, аможе ничтоже скверно входит в Царствие Небёсное. Амѣнь.

Святой пророк и Предтеча Господень Иоанн Креститель. Как повествует Евангелие (Лк. 1, 57—80), родители святого пророка Иоанна Предтечи—праведный Захария и праведная Елисавета, жившие в Хевроне, достигли преклонных лет, оставаясь бездетными по причине бесплодия Елисаветы. Однажды, когда священник Захария возносил горячие молитвы Богу в Иерусалимском храме, ему вдруг предстал архангел Гавриил по правую сторону жертвенника и предрек старцу скорое рождение сына, который станет провозвестником Мессии, ожидавшегося Ветхозаветной Церковью.

Пророчество архангела Гавриила привело праведного Захария в сильное смущение. Усомнившись в словах архангела, он стал просить у Господа знамения, которое подтвердило бы услышанное. И мгновенно немота поразила маловерного Захария.

Вскоре—так же, как некогда Сарра, зачавшая Исаака в глубокой старости,—узнала и Елисавета о рождении своего первенца. На пятом месяце беременности она удостоилась посещения своей родственницы—Препоблагословенной Девы Марии, уже носившей во чреве Предвечного Младенца.

Праведной Елисавете, исполнившейся благодати Духа Святого, первой открылась великая тайна, и она узнала в своей гостье Матерь Божию. Святой Иоанн Предтеча, взывав во чреве матери, такой радостью приветствовал Приснодеву, носившую Сына Божия.

На восьмой день по рождении Предтечи в дом Захарии пришли родственники и священники, чтобы по еврейскому обычаю совершить над младенцем обряд обрезания. В доме царила великая радость—с рождением ребенка с семьей снималось бесчестие, попущенное Господом.

К этому дню полагалось дать младенцу какое-либо имя, и гости решили назвать его Захарией—в честь отца. Однако святая Елисавета, исполнившись пророческого дара, настаивала на том, чтобы мальчика

нарекли Иоанном, что значит по-еврейски «благодать». Все были удивлены, ведь такого имени никто не носил в их роде. Недоумение разрешил сам отец младенца. На вопрос, как же все-таки назвать отрока, он написал на дощечке: «Имя ему—Иоанн». И вдруг узы, связывавшие его речь, разрешились, и святой Захария отверз уста свои и, воздав благодарение Господу, начал пророчествовать о явившемся в мир Мессии, о своем сыне Иоанне—Предтече Господнем и о грядущих событиях.

Когда родился Господь наш Иисус Христос в Вифлееме и пришли волхвы с востока с расспросами о родившемся Царе Иудейском к Ироду, последний послал в Вифлеем своих воинов, чтобы они избили там всех младенцев мужского пола. Не забыл он и о младенце Иоанне из Хеврона, о котором уже слышал много чудесных рассказов. Замышляя убить отрока Иоанна, он послал в Хеврон убийц. Однако в доме святого Захарии никого не оказалось. Когда началось избиевание младенцев в Вифлееме, вопль и стоны дошли и до Хеврона. Святая Елисавета вместе с Предтечей Иоанном ушла в Хевронские горы, святой Захария в это время исполнял свою чреду богослужений в Иерусалиме.

Праведная Елисавета со слезами молилась Богу о защите. И когда с вершины горы она увидела приближавшихся преследователей, то возопила от всего сердца, обращаясь к каменной глыбе: «Гора Божия! Гора Божия! Прими мать с чадом!» Как повествует церковное предание, гора вдруг расступилась, образуя пещеру, которая сокрыла мать с сыном.

Негодую на то, что праведной Елисавете с младенцем удалось скрыться, Ирод решил отомстить святому Захарии. Он послал к нему своего оруженосца с поручением узнать, где находится его сын. В случае отказа выдать сына, Ирод приказал убить праведного Захария. Святой Захария отвечал пришедшим, что о местонахождении своего сына он не знает и что сам он, Захария, не

боится смерти от рук Иродовых наемников, так как верит, что Господь примет его душу.

За эти слова он был убит между алтарем и жертвенником, и кровь его на мраморном полу сделалась как камень, в свидетельство преступления Ирода.

По преданию, праведная Елисавета, пребывая с младенцем Иоанном в пещере, чувствовала особое благоволение Божие, ибо прямо возле пещеры внезапно выросла финиковая пальма, кормившая беглецов своими плодами, и открылся источник воды.

По прошествии сорока дней со времени убиения святого Захарии,

преставилась и святая Елисавета. Мальчика, оставшегося в пустыне, взял на свое попечение Ангел Божий. Так хранил и покрывал Господь святого пророка Иоанна, чтобы уготовал он путь Грядущему Спасителю рода человеческого.

Празднование памяти святого пророка и Предтечи Господня Иоанна особенно распространено в Русской Православной Церкви. В честь Крестителя Господня Иоанна были воздвигнуты многочисленные храмы и монастыри по всей России, русские люди часто называют новорожденных именем Иоанн, также в честь Предтечи и Крестителя Господня Иоанна.



В
ТОЙЖЕ
ДЕНЬ

Преподобнаго Антонія Дымскаго, Новгородскаго (Службу зри 17 января)

Тропáрь, глас 4:

Добродетелей ревнителю, / пустынный жителю, / подвижник веры Христа Бога нашего, / пощением и труды умертвивый плотская вожделения, / тезоимените великому Антонию, / егоже житию поревновал еси / и во егоже имя Божественный храм воздвигл еси, / купно с ним, преподобне Антоние, моли Спасителя всех, / да и нас сотворит победители плотских похотей / и храмы Духа Святаго, / по велицей Его милости.

Конда́к, глас 6:

Сверстник и подражатель преподобному Варлааму, / послушание к нему истинное стяжав, / достоин явился ему приемник, / упасши до времени стадо его, / добродетелем же его поревновав, / в туюжде меру возраста достигл еси, / безмолвие пустынное возлюбив, / и угоден Господеву показался еси, / первоначальник быв пустыни при эзере Дымском: / тем ти вопием: / с преподобным Варлаамом, отче Антоние, моли о нас Бога, / да даст нам такожде угодили Ему, якоже и ты, / образе послушания и безмолвия тихий рачителю.

Преподобный Антоний Дымский родился в 1157 году в Новгороде. Богобоязненные родители с детства научили его правилам христианского благочестия. Святой Антоний избегал детских игр, празднословия и смеха. Он ежедневно посещал храм Божий и неленостно молился, стоя вдаль от людей. Однажды во время службы ему особенно запали в душу слова Святого Евангелия: «Аще кто хочет по Мне ити, да отвержется себе и возмет крест свой и по Мне грядет» (Мф. 16, 24). Размышляя о словах Спасителя, святой Антоний решил оставить родительский дом и стать монахом. Он пришел в Хутынский Спасо-Преображенский монастырь, игумен которого, преподобный Варлаам Хутынский (†1192; память 6 ноября), постриг его в монашество.

С того времени преподобный Антоний стал жить в совершенном послушании своему старцу — преподобному Варлааму. С усердием и смирением исполнял он все послушания, никогда не опускал келейных правил и не пропускал церковных служб. Святой Антоний первый приходил в храм и последний уходил из него.

По преданию, преподобный Антоний по делам монастыря ездил в Константинополь. Во время поездки он посетил святые места. Через пять лет преподобный вернулся в свою обитель. Его приезд совпал с днем кончины преподобного Варлаама (6 ноября). На смертном одре святой игумен благословил преподобного Антония быть вместо себя наставником братии и строителем монастыря.

Управляя Хутынской обителью, преподобный Антоний во всем соблюдал устав, оставленный преподобным Варлаамом. Он достроил и благолепно украсил храм в честь Благовещения Пресвятой Богородицы. Примером своей подвижнической жизни и кротким наставлением преподобный Антоний наставлял братию в иноческом делании.

Всеобщая любовь и почитание тяготили святого подвижника. Со слезами он молил Бога и Пречистую Богородицу указать ему место уединенных подвигов. В скором времени преподобный Антоний оставил Хутынскую обитель и удалился в пустынное место в Дымских лесах, в

15 верстах от г. Тихвина. Недалеко от небольшого озера Дымского, среди глухих лесов преподобный устроил себе сначала малую кущу, а затем построил небольшую келлию и выкопал пещеру для жизни зимой. Он с терпением переносил зной и холод, мужественно боролся с демонскими искушениями. Преподобный Антоний всячески избегал покоя: днем он трудился до измождения плоти, ночью стоял на молитве.

Когда место подвигов святого отшельника стало известно, к нему пришли иноки, ищущие уединенной жизни под духовным руководством опытного наставника. Постепенно Дымская пустынь заселилась боголюбивыми монахами. Так возник монастырь, игуменом которого стал преподобный Антоний. Иноки построили храм во имя преподобного Антония Великого (†356; память 17 января) с приделами в честь Покрова Пресвятой Богородицы и во имя святителя Николая Чудотворца. Тогда же были построены келлии, а через некоторое время — зимний (теплый) храм во имя святого Пророка, Предтечи и Крестителя Господня Иоанна с трапезной.

Преподобный Антоний мудро управлял братией Дымского монастыря до блаженной кончины. Провидя день своей смерти, он собрал иноков и благословил их, затем причастился Святых Христовых Таин и мирно скончался. По преданию, это произошло 24 июня 1224 года. Тело преподобного Антония было погребено в устроенном им храме, с левой стороны. В 1330 году святые мощи преподобного Антония были обретыены нетленными.

В 1409 году во время очередного нашествия татар на Новгородские земли игумен Дымской обители с братией, боясь надругания над святыней, скрыл святые мощи преподобного Антония под спудом.

Преподобный Антоний неизменно оставался хранителем Дымской обители. После разорения шведами в 1611 году монастырь восстал из пепла не без молитвенной помощи преподобного Антония. В 1687 году (по другим источникам в 1585 году) в монастыре дважды возникал пожар, и оба раза преподобный Антоний являлся в сонном видении игумену и

предупреждал его о пожаре, так что братья удавалось вовремя погасить пламя.

Память преподобного Антония праздновалась в обители дважды: 17 января, в день тезоименитства (память преподобного Антония Великого) и 24 июня, в день кончины, когда совершался крестный ход из монастыря на озеро Дымское.

В 1744 году над местом сокрытия святых мощей петербургским купцом Калитиным, исцеленным преподобным Антонием от продолжительной тяжелой болезни, была устроена деревянная золоченая гробница. В монастыре сохранялась тяжелая железная шапка, которую носил преподобный Антоний. Широкие поля шляпы прибиты к тулье толстыми гвоздями, которые давили подвижнику голову. Так, через терпение и телесные страдания преподобный Антоний очищал

душу для жизни вечной. Многие больные получали исцеления от возложения на голову этой шапки и от поклонения гробнице над святыми мощами преподобного Антония Дымского.

На иконах преподобный Антоний изображается держащим в руке хартию со словами: «Се удалихся, бегая, и водворихся в пустыни» (Пс. 54, 8).

Рукописное житие преподобного Антония составлено в XVII веке.

Литература

1. Иоанн, иеромонах. Историко-статистическое описание Дымского монастыря с изложением подвижнического жития начальника оной преподобного Антония. СПб., 1861.

2. Димитрий (Самбикин), архиепископ. Месяцеслов святых, всею Русской Церковью или местночтимых... Вып. 5. Январь. Тверь, 1897.



В
ТОЙЖЕ
ДЕНЬ

Святых праведных отроков Иакова и Иоанна Менюжских, Новгородских

Тропарь, глас 1:

Болѣзньми святых праведных отроков / Иакова и Иоанна, / ѡмѣже о Тебѣ пострадаша, / умолен буди, Господи, / и вся наша болѣзни исцели, / Человеколюбче, молимся.

Праведные отроки Иаков и Иоанн Менюжские были братьями по плоти, дети благочестивых супругов Исидора и Варвары, живших в 60-ти верстах от Новгорода. Святой Иаков в трехлетнем возрасте, а святой Иоанн — в пятилетнем были умерщвлены злодеями. Мученическая кончина их последовала около 1566—1569 гг. при святом митропо-

лите Московском Филиппе (†1569). Между 1682—1689 годами обретенны их нетленные мощи и положены под спудом в Троицкой церкви села Менюж, на реке Менюге, в Новгородской епархии, на месте бывшего здесь когда-то Троицкого монастыря. В этом храме был устроен придел во имя святых праведных отроков Иакова и Иоанна.

